



Քաղաքացիական գործ
№ ԵԷԴ/1227/02/12

Ո Ր Ո Շ ՈՒ Մ

Ապացուցման պարտականությունը բաշխելու մասին

2024թ. փետրվարի 22-ին

ՀՀ ՄՆԱՆԿՈՒԹՅԱՆ ԴԱՏԱՐԱՆԸ

Նախագահությամբ՝ դատավոր Արմեն Խաչատրյանի

Դռնբաց դատական նիստում, քննելով քաղաքացիական գործն ըստ Առաքել Կառլենի Ասոյանի ընդդեմ Լևոն Շահենի Համբարձումյանի, Ստյոպա Արարատի Բերնեցյանի, Գայանե Մաքսիմի Մանուկյանի, Սուսաննա Վարդանի Ասոյանի, Սեյրան Վարդանի Ասոյանի, Սամվել Կառլենի Ասոյանի, վեճի առարկայի նկատմամբ ինքնուրույն պահանջ չներկայացնող երրորդ անձ Մարիետա Պատվականի Մխիթարյանի՝ ՀՀ Երևան քաղաքի Գլինկայի փողոց 1-ին նրբանցք 1 տուն հասցեի անշարժ գույքը հրապարակային սակարկություններով վաճառելու և ստացված գումարը հետագայում սեփականության մասնակիցների միջև՝ նրանց բաժիններին համաչափ բաշխելու պահանջների մասին, ըստ հակընդդեմ հայցի Գայանե Մաքսիմի Մանուկյանի, Սուսաննա Վարդանի Ասոյանի և Սեյրան Վարդանի Ասոյանի ընդդեմ Առաքել Կառլենի Ասոյանի, Սամվել Կառլենի Ասոյանի, Ստյոպա Արարատի Բերնեցյանի, վեճի առարկայի նկատմամբ ինքնուրույն պահանջ չներկայացնող երրորդ անձ Լևոն Շահենի Համբարձումյանի և Մարիետա Պատվականի Մխիթարյանի՝ ՀՀ Երևան քաղաքի Գլինկայի փողոց 1-ին նրբանցք 1 տուն հասցեի անշարժ գույքը հրապարակային սակարկություններով վաճառելու և ստացված գումարը հետագայում սեփականության մասնակիցների միջև՝ նրանց բաժիններին համաչափ բաշխելու պահանջների մասին և ըստ վեճի առարկայի նկատմամբ ինքնուրույն պահանջ ներկայացնող երրորդ անձ Սաշա Ամիրի Օհանյանի հայցի ընդդեմ Առաքել Կառլենի Ասոյանի, Ստյոպա Արարատի Բերնեցյանի, Գայանե Մաքսիմի Մանուկյանի, Սուսաննա Վարդանի Ասոյանի, Սեյրան Վարդանի Ասոյանի, Սամվել Կառլենի Ասոյանի, վերջինիս սնանկության գործով կառավարիչ Արման Միքայելյանի և Լևոն Շահենի Համբարձումյանի, վեճի առարկայի նկատմամբ ինքնուրույն պահանջ չներկայացնող երրորդ անձ Մարիետա Պատվականի Մխիթարյանի՝ ձեռքբերման վաղեմությամբ սեփականության իրավունքը ճանաչելու պահանջի մասին, քննարկելով ապացուցման պարտականությունը գործին մասնակցող անձանց միջև բաշխելու հարցը.

Պ Ա Ր Զ Ե Ց

Առաքել Կառլենի Ասոյանը 27.09.2012թ. հայցադիմում է ներկայացրել ՀՀ Երևան քաղաքի Էրեբունի և Նուբարաշեն վարչական շրջանների ընդհանուր իրավասության դատարան ընդդեմ Լևոն Շահենի Համբարձումյանի, Աստղիկ Ավետիսի Ասոյանի, Ստյոպա Արարատի Բերնեցյանի, Վարդան Ռաֆիկի Ասոյանի, Սամվել Կառլենի Ասոյանի՝ խնդրելով որոշել ՀՀ, ք.Երևան, Գլինկայի 1-ին նրբանցք, 1 տուն հասցեի անշարժ գույքի՝ հայցվորի բաժինը, բնեղենով առանձնացնել այդ